

Denn Jesu Christ wahr Mensch vñ Gott/ der du lidst Marter

Anst vnd Spott/ für mich am Creuz auch endlich starbst/ vnd mir deins Vatters

Huld er warbst.

2. Ich bitte durchs bitter Leyden dein/du wollst mir Sünder gnädig seyn/ wann ich nun komm in Sterbens Noth/vnd ringen werde mit dem Todt.
3. Wann mir vergeht all mein Gesicht / vnd meine Ohren hören nicht / wann meine Zunge nichts mehr spricht/vnd mir vor Angst mein Herz zerbricht.
4. Wann mein Verstand sich nichts versinnt/ vnd mir all Menschlich Hülf zerrinnt/ So komm O HErr Christ mir behend/zu Hülf an meinem letzten End.
5. Vnd fuhr mich auß dem Jammerthal/verfür mich auch deß Todes Qual/ die bösen Geister von mir treib/ mit deinem Geist stets bey mir bleib.
6. Bis sich die Seel vom Leib abwende/ so nimb sie HErr in deine Hand/der Leib hab in der Erd sein Ruh/bis sich der Jüngsttag naht herzu.
7. Ein frölich Vrstend mir verleyh/am Jüngsten Bricht mein Fürsprech sey / vnd meiner Sünd nicht mehr gedenc/ auß Gnaden mir das Leben schenc.
8. Wie du hast zugesaget mir / in deinem Wort/ das traw ich dir/ Fürwaar/ Fürwaar auch sage ich/ wer mein Wort hält vnd glaubt an mich.
9. Der wird nicht kommen ins Gericht/vnd den Todt ewig schmecken nicht / vnd ob er gleich hie zeitlich stirbt/mit nichten er drum gar verdirbt.
10. Sonder ich will mit starcker Hand/ihn reißen auß deß Todes Band / vnd zu mir nemen in mein Reich/da soll er dann mit mir zugleich.
11. In freuden leben ewiglich/darzu hilff vns ja gnädiglich/Ach HErr vergib all vnser Schuld/hiff daß wir warten mit gedult.
12. Bis vnser Stündlein kompt herben/auch vnser Glaub stets wacker sey/Deim Wort zu trawen vestiglich/bis wir entschlaffen seliglich/ Amen.